

**Ո Ր Ո Շ ՈՒ Մ    N    282/6**  
**(վարչական տույժ նշանակելու վերաբերյալ)**

«03» հունիսի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաջանս, քննելով Վրաստանի քաղաքացի Գենադի Բիտաձեի (անձն. 18AF67811, քաղաքացիություն՝ Վրաստան, ծնված՝ 26.03.1957թ., հասցեն՝ Վրաստան) կողմից մաքսային կանոնների խախտման վերաբերյալ գործը,

**Պ Ա Ր Զ Ե Ց Ի**

**1. Գործի նկարագրությունը:**

03.08.2021թ. Բազրատաշենի մաքսային կետ-բաժնով թիվ 05100033/030821/0000648615 մաքսային մուտքի օրդերով 184 օր ժամկետով, ժամանակավոր ՀՀ մաքսային տարածք է ներմուծվել «HONDA-ELYSION» մակիշի RR41001403 նույնականացման համարով, TT316DD պետհամարանիշով, 2004թ. արտադրության տրանսպորտային միջոցը, որի ներմուծման ժամկետը սահմանվել է մինչև 03.02.2022թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

**2. Սույն Վարչական գործի քննության համար նշանակություն ունեցող փաստեր:**

1. 03.08.2021թ. լրացված թիվ 05100033/030821/0000648615 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «HONDA-ELYSION» մակիշի RR41001403 նույնականացման համարով, TT316DD պետհամարանիշով, 2004թ. արտադրության տրանսպորտային միջոց:
2. 03.08.2021թ. լրացված թիվ 05100033/030821/0000648615 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ

տարածք ներմուծված «HONDA-ELYSION» մակիշի RR41001403 նույնականացման համարով, TT316DD պետհամարանիշով, 2004թ. արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում են՝ մաքսատուրք՝ 8.156.036 ՀՀ դրամ, բնապահպանական հարկի գումար՝ 488.990 ՀՀ դրամ:

3. 03.05.2022 թվականին կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն՝ 03.06.2022 թվականին ժամը 11:00-ին, որի վերաբերյալ վերջինս պատշաճ ծանուցվել և ներկայացել է վարույթի քննարկմանը:

### **3. Պատասխանողի դիրքորոշումը**

Վարչական վարույթի շրջանակներում քաղաքացի Գենադի Բիտաձեն հայտնել է, որ վերջինս դեպի Հոկտեմբերյան քաղաք գնացող ճանապարհին կորցրել է տրանսպորտային միջոցի պետհամարանիշը: Նշվածի հիմքով վերջինս դիմել է ՀՀ Ոստիկանության Արմավիրի մարզային վարչությանը /ներկայացվել է գրություն/: Ներկայացրել է նաև կտրոն, որի համաձայն՝ 21.04.2022թ. վերջինս Վրաստանում վերականգնել է կորցրած կամ վնասված պետհամարանիշները /պետհամարանիշը նշված չէ/:

### **4. Սույն գործի փաստական և իրավական հիմնավորումները, վարչական մարմնի եզրահանգումները:**

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքասային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտանաբերվելու օրվանից երկու

ամսվա ընթացքում, սակայն ոչ ուշ, քան իրավախախտումը կատարելու օրվանից 3 տարվա ընթացքում:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Ուսումնասիրելով ներկայացված նյութերը, ինչպես նաև քաղաքացու կողմից ներկայացված նյութերը, մաքսային մարմինը փաստում է, որ նշված հիմքերը վերջինիս չեն ազատում վարչական պատասխանատվությունից:

Գենադի Բիտաձեն իմանալով, որ թիվ 05100033/030821/0000648615 մաքսային մուտքի օրդերով ՀՀ ներմուծված տրանսպորտային միջոցի պետհամարանիշները կորցրած են, մինչև նշված տրանսպորտային միջոցի ՀՀ-ում գտնվելու ժամկետի ավարտը, չի արտահանել այն, չի ձևակերպել այլ մաքսային ընթացակարգով, չի դիմել ժամկետի երկարաձգման համար:

Սահմանված ժամկետում չարտահանելով վերոնշյալ տրանսպորտային միջոցը կամ չձևակերպելով այլ մաքսային ընթացակարգով նա ցուցաբերել է անգործություն, որի արդյունքում խախտվել է հետադարձ արտահանման պարտավորությունը:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության չկատարման համար Գենադի Բիտաձեի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է կազմված արձանագրությամբ և 03.08.2021թ. լրացված թիվ 05100033/030821/0000648615 ՄՄՕ-ով:

#### **5. Եզրափակիչ մաս:**

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ և 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

## Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Գենադի Բիտաձեին ենթարկել վարչական պատասխանատվության՝ տուգանելով՝ 4.322.513 ՀՀ դրամի չափով:
2. Որոշման մասին հայտնել Գենադի Բիտաձեին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈՒ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ

ԳՈՌ ԲԱՎԼԱԶՅԱՆ